



Indgået

Inatsisartunut ilaasortaq Anthon Frederiksen, Partii Naleraq
/Maani

27 FEB. 2017

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Mittarfiit pillugit § 37 naapertorlugu apeqqummut nr. 2017-079-imut akissuteqaat

Allakkap ullua: 24-02-2017

Aallarniutigalugu mittarfiit pillugit Inatsisartut Suleriaasianni § 37 naapertorlugu apeqquternut qujavunga. Akissutit matuma kinguliani takuneqarsinnaapput.

Suliap nr.
2017 - 3425
Dok. nr. 17399594

Apeqqut 1: Suluusalinnut mittarfiliortiterit, mittarfinnillu pioreersunik talliliinissat qanoq tulleriinnilersorneqarpat?

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqummut 1-imut akissut: Mittarfinnik talliliinissanut aamma mittarfiliassanut pingaarnersiineq, oqaluuserisassani immikkoortut UKA2015/18+167 ataatsimoortillugit Inatsisartuni suliarineqarnerannut atatillugu, Inatsisartut Sanaartornermut ataatsimiittialaata isumaliutissiissutaanut, naapertuuttumik ingerlanneqarpoq.

Nunap immikkoortuini mittarfiliornissaq kiisalu Tasillami aamma Ittoqqortoormiini mittarfiit pillugit pilersaarummut ataatsimoortumut Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoqarfik akisussaasuvoq. Kalaallit Airports A/S Qaqortumi, Ilulissani aamma Nuummi mittarfinnut suliassanut akisussaasuvoq.

Apeqqut 2: Mittarfinnik sanaartornerit talliliinerillu qanoq aningaasalersorneqarniarpat?

Apeqqummut 2-imut akissut: Aningaasaqarnermut Akileraartarnermullu Naalakkersuisoqarfik paasisutissiivoq, pilersaarutip ataatsimoortup piviusunngortinneqarnissaanut ataatsimut katillugit aningaasartuutissat suli annertoorejussuarmik nalorninartortaqartut.. Sanaartornermut pilersaarusiortoqartussaavoq aammalu neqeroortitsisoqartussaalluni kiisalu piginnittut ilusiligaanerinut periarfissat nalilersorneqartussaallutik. OPP-mik aaqqiissuteqarnissamik siunnersuutaajunnartut nalilersorneqassapput, aammalu aningaasalersuinissamut periarfissat misissorneqassallutik.

Taamaattoq qularnanngilaq mittarfinni sanaartornermut aningaasaliinerit tamarmiusut, ukiuni aggersuni aningaasanut inatsisitigoortumik taamaallaat pisinnaanissaat ajornartussaasoq. Taamaattumik pilersaarummi ataatsimoortumi, aningaasalersuinissamut aaqqiissutissat assigiinngitsut arlallit piviusunngortinneqarnissaat, pisariaqarpoq, ilanngullugit

- suliassat ilaannut aningaasatigut imminut napatissinnaanngitsunut aningaasanut inatsisini sanaartornermut tapiissutit,
- Kalaallit Airports A/S-imi immaqalu ingerlatseqatigiiffinni allani aningaasaatinut akiliutit,

- OPP (pisortat namminersortullu sulëqatigiinnerat) pillugu isumaqatigiissutaasinnaasut, tassani ingerlatseqatigiiffiit namminersortut aningaasalersuineq isumagissallugu,
- Namminersortutik Oqartussat, kommunit imaluunniit ingerlatseqatigiiffiit pisortanit pigineqartut taarsigassarsineri,
- mittarfiit pioreersut Namminersortutik Oqartussanit aallarniutissatut akiliutigineqarpata, tamanna aningaasaatinut tunngaviusussanut ataatsimoortunut pitsaanerulersitseqataasinnaavoq.

Apeqqu 3: Ilulissani mittarfiup tallineqarnissaanut atatillugu, illoqarfimmiik mittarfimmut aqquserngup allanngortinnissaa imaluunniit silillineqarnissaa pilersaarutitut ilaavaa?

Apeqqu 3-imut akissut: Aallaaviatigut mittarfimmut aqqusineq Ilulissani mittarfimmut suliassamut ilaatinneqanngilaq. Kisiannili sanaartornissamut pilersaarusionermut atatillugu mittarfimmut suliassat ataasiakkaat ingerlanneqarnerannut atatillugu, sulinermi aqqutissanik / attaveqarnermut malittaatinneqartunik, suliassat ataasiakkaat ingerlanneqarneranni pisariaqartunik sananissaq pisariaqartinneqartoq paasinarsinnaasoq, tamatumani allannguuteqanngilaq.

Neriuppunga matuma siulianiittuni apeqqu titit akineqartut.

Inussiarnersumik inuulluaqqusillunga



Múte B. Egede